



AGLAIT ILLUNAINORTUT.



Nr. 5

Nain, Mai 1902.

Nr. 5

Semite parrngnanairsortaumajok.

„Kivgak anginersaungilak angajokâminit. Unangmi-lauruninga, unangminiarivâse; okausikka mallilaurunigit okausise mallingniarivait.” Taimak Jêsuse okalaukpok illiniartiminut, kaujititsiarlugit, ânianartunut sunatui-narnut tikkitaularmatta okpernek pivlugo, Jêsusib ak-kerartortingit ômigijingillo unudlarmatta illûnâne. Piulijipta okausingit tamakkoa nellautsingmatta, tuk-kisilaukput okpertut unuktut Jêsusib uvlunginit uvluvut tikkidlugit. Tamattominga tukkisilaurivok sivorleri-lauktapta illangat Georg Semite, unipkautiginiartara mâña.

Georg Semite inôlilaukpok Moraviame Katolikit akkorngane. Inôsuktôvlune sâgiarpok Jêsusemut. Tai-mangat attutsiarpok Gûdib okausinginik arvertarasuar-lunelo tamakkoa malliklugit. Taimailiorlunele nâmagi-jaulungilak sillaliminut Katolikinut. Pagvisartauskatta-rame taipkununga, aularpok nunagijaminut tikkisinaler-lunelo Herrnhutemut. Ullapitaunane kivgartorungnarpok tagvane piulijiminut.

Järine taipkonane nunat illangine okpertut unangmijaugmatta Katolikinut, tagva Herrnhutemiut tilliklilaukput illangañe angutinik ikkitunik unangmijaujunut, manigoirkovlugit ikajorkovlugillo taipkuninga.

Järeme 1728me Georg Semite tillijaugivok taimak Herrnhutemit unangmijaujunut, illakartitauvlune Melgior Nitsmamik. Ingergavuk Bohímiakut Moráviakullo. Tagvane inugoijanvigijamingne illakaramik, kattimatisivuk illamingnik, okálavigilugit okautsinik tussarner-tunik. Uñukpok, Semite Nitsmalo illangillo tuksiarkatigékpuk, tagva Katolikit ajokertortingat sakkijárpok iglub sángane, angutit unuktut illagivlugit. Illujivut iglomik illangillo itterput, tujormiák tigujomavlugik. Kunulugatik Semitelo Nitsmalo aggatik mañivait, kellsortaugmatta aklunánut, kunulugatik mallikpuk, aititaugamik parngnanairsimavingmut. Iglumiðkatigêlungigalloarpuk. ingmikòrlutik parngnanairsortaugamik, nelligle attulerangat tuksiarutsinik, tussartaujungnar-pok illaminut. Kaut tamát Katolikit ajokertortingita illangat sakkerpok parngnanairsimavingme, parngnanairsimajuk uttertinasuarlugik Katolikit okperusingannut. Sullinginame kajjungnairpok.

Okkiorne Semite illangallo ániadlarpuk itjimnt, iglungak kausidlarmat ikkomakaranelo. Semite nangminek unipkárpok, ittigane nimeramigit ivivinernik keujamut, sullilungilarle. Tagva Jêsuse tuksiarvigivá, keujajungnairtitaujomavlué, sunaubvá, keujarungnairpok. Taimak nakoksigalloarlune nerrijungnangilak sumiglônêt, nerkiksat illúnaita mamaigivait, kavángomarikpok.

Katolikit perlerniarasugivat, inóitsomavlugolo akkuner-nersamik sulle iglokartipát ánanaunersamik. Tagvane illakartitauvok okpertomik kanimadlartomik. Taimua Semitetut okpernek pivlugo parngnanairsortaugivok Katolikinut. Sangédlaralloarlune Semite pairksivok kanimajomik tokunga tikkidlugo. Tokungajub timinga anititaungmat Semitib iglunganit, tagva Semitib kattan-
ngutinga Nitsma itterpok. Tánna kanimadlarivok uvlulo ikkitotuinait kingorngane Nitsma inójungnairivok. Tokolerlune Nitsma okalaukpok illaminut: „Piulijiga erkisimiarpara. Tápoma allalungilánga, uvangalo allalunginivara.” Tokolertub okausinginut tamakkununga Semite manigortaudlarpok maksoatitauvunelo. Illagilauktarne tokungajok igsagaksarivlugo, piulijine allalunginivá. Járik magguk návlugik parngnanairsortaugalloarlune, ániatitaugaalloarlune sunatuinarnut, piulijine missiarutigingilá. Járik magguk nángmanik añerkojauvok parngnanairsimavingmit sullijaksakartitauvunelo okumaidlartunik iglogasa'ksorne kippalummariktut. Taimák sullijaksakarkojuagalloarlune nerrititaukattalungilak námaktomik. Járit áit nálerérmatta kissiane utterkojauvok Herrnhutemut.

Taimák Semite unangmijaulaukpok ániatitauvunelo. Jêsuse pivlugo. Herrnhutemêdlune ákilerivok járilla ikkitut kingorngane aularkojauvok Afrikamat, nellojut taikanétut okálavigijartorlugit okautsinik tussarnertunik. Járit áit návlugit okálavok Gádib okausinginik Hotentotinut, námagijaunanele nunab angajokáginut, tapkoa námaksilungimatta nellojut Kristusemiolermatta. Semite tagva aulariakarivok, Germaniamullo utterlune, tagvane inójungnairpok járekarlune 80kassangnik.

K A U J I J A K S A K.

Inuit kaujijaksangine Nr. 3me ókkat ákitauningit okauseólaukput. Tagvane okauseójut malliktaulaungmatta, ókkat 1906me ikkálauktut námagijaunersaulaukput sivorañanitanit, kausiluarlugatik ubvatsialaungmatta. Akáneñitat (1901me) kausilualaurivut, imakále pañervekatsialaungimatta. Sulle angajokávut illagalugit tussuvunga, ókkat ákitauntsiarkovlugit, okautsillo kaujijaksane Nr. 3me malliktauntsiarkovlugit. Ogakarpáningane agvianaluarkórpok ingergainak pilaumut aunártillugit, taimailiorviongmattele nakuluarpok ajornañipat, agvianaluadlangipat. Okkat imerme tarriome sioraujartaunjuksaungilat, sioraujartaugamigle illulekutinut killalingnut illijuksavut, imak pétsiarungnarkovlugo. Pañitsiartunik pipeálungnik kissiane ikkártitsijomavogut, kauseangajulle sallumaituniglo tautulit sujuktisivut akkiginiartanginik. Pipeáluk kettugiarungnaipat, nerkingalo ittersilijungnarungnaipat tagva námaktomik pañersimavok. — Hebronemiut ógaksiorvekatsiangimat-ta umiaksuit aularsarañinginut, kaitsijungnarput pipeálungnik umiaksuit aularsimalerértillugit. Taimák kaitaujut akágomut illingatitauniarput akkikinersársolutiglo ingergainak ikkártunit.

Erkalupta akkingit sujumarilerivut. Imaká barrelit pujulingnut nikkagijaujungnairamik, piutsiaratik tikki-kattarput aivigijamingnut St. Johnsemut. Akkiginiartangit máña aujak tagva 3 dollar. Erkaluksiorsongolauktut sináme piutisijungnagalágunik, tápkununga nakor-nersaukórpok operngák puijisiungárunik.

C. Schmitt.